



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

XIII. Ablassbrief des Pabstes Eugen für das heilige Blut zu Wilsnack, vom
Churfürsten Friedrich veranstaltet, im Jahre 1446.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

XIII. Ablassbrief des Pabstes Eugen für das heilige Blut zu Wilsnack, vom Churfürsten Friedrich veranstaltet, im Jahre 1446.

Eugenius Episcopus, Seruus seruorum Dei. Vniuersis Christi fidelibus praesentes literas inspecturis, Salutem et Apostolicam benedictionem. Quamuis de cunctis orbis Ecclesijs, et ipsarum conseruatione, prout ex debito iniuncti pastoralis officij tenemur, solícite cogitemus: tamen ad Parochialem Ecclesiam loci Wilsnack Huelbergenfis dioecesis, tanto singularius afficimur, quanto ipsam in illis partibus excellentiore, propter sacratissimum corpus Domini nostri Jesu Christi in carnem miraculose transformatum inibi reconditum a Christi fidelibus maiori ueneratione et deuotionis frequentatione nouimus honorari. Vnde fideles ipsos quibusdam alliciendo muneribus, Indulgentijs uidelicet et peccatorum remissionibus paterna clementia inuitamus, vt dicta Ecclesia ab eisdem fidelibus maioris deuotionis frequentatione ueneretur, etiam ad debitum diuinae Maiestatis honorem, de cuius dulcedine aegris medicina, languentibus solamen, ac reis culpa remedium, et cunctis ipsius patrocinium implorantibus, misericordiae riuius noscitur emanare. Cum itaque sicut accepimus dudum sexaginta annis et ultra iam decursis, in praedicta Ecclesia per nonnullos sacrilegos et uolentos incendiarios tunc penitus ignis voragine consumpta, tres paruae hostiae consecratae, quae pro infirmis conseruabantur, in quodam corporali pro parte combusto, repertae fuerint sanguine resperfae, non sine magna etiam tunc uiuentium fidelium admiratione, et ob transformationem huiusmodi tot miracula in dicta Ecclesia operatus sit omnipotens Deus, vt diuae memoriae Carolvs Imperator, tunc in humanis agens, nec non Franciae, Angliae et Bohemiae reges, alijque duces et principes seculares, nec non aliae literatae et insignes personae in numero copioso ad dictam Ecclesiam deuotionis causa confluxerint, et quam plures eorum affirmauerint, etiam medio iuramento, se in eorum infirmitatibus omni humano desituti subsidio, ad inuocationem diuini nominis offerentes, se praedictam Ecclesiam ob uenerationem Sacramenti huiusmodi deuote uisituros, suarum petitionum celerem fuisse consecutos effectum, ac tunc Archiepiscopus Magdeburgensis loci Metropolitae, et Episcopus Huelbergenfis cum multis alijs Episcopis rei tam praeclarae et mirabili contradicere non uolentes, illam approbauerint, et ipsam Ecclesiam uisitantibus diuersas et plures Indulgentias concefferint, sicque tam Episcoporum loci et nobilium quam populorum ad eandem Ecclesiam confluentium donationibus et oblationibus praefata Ecclesia solenniter reaedificata, cultusque diuinus copiose inibi restauratus fuerit, propter quae, vt uerisimiliter creditur, diuina beneficia usque ad hodiernum diem in praefata Ecclesia indefinenter exuberant, ad Dei laudem et fidelium salutem, ac fidei Catholicae in partibus illis approbationem: Nos, dilecti filij Nobilis uiri *F r i d e r i c i* Marchionis Brandenburgensis, Sacri Romani Imperij Archicamerarij, sub cuius temporali dominio, sicut accepimus, praefatus locus, consistit, quique ad eandem Ecclesiam singularem gerit deuotionis affectum, nobis super hoc humiliter supplicantis, in hac parte supplicationibus inclinati, ac praemissorum consideratione, cupientes vt Ecclesia ipsa in suis structuris et aedificijs conseruetur, ac in illa laudes solennes altissimo iugiter exoluantur, et vt fideles ipsi eo libentius causa deuotionis confluant ad eandem, nec non ad conseruationem illius, manus promptius porrigant adiutrices, quo ex hoc ibidem dono coelestis gratiae conspexerint se resectos, omnipotentis Dei misericordia, ac beatorum Petri et Pauli Apostolorum eius autoritate confisi, omnibus uere poenitentibus et confessis, qui in Natiuitatis, Circumcisionis, Epiphaniae, Resurrectionis, Ascensionis, et corporis Domini nostri Jesu Christi, ac Pentecostes: nec non Annunciationis, Purificationis, Assumptionis et uisitationis beatae Mariae uirginis, ac Natiuitatis Sancti Johannis Bapstistae, nec non Petri et Pauli praedictorum, ac in Sancti Bartholomaei festiuitatibus, et in celebritate omnium Sanctorum ac per ipsarum Natiuitatis, Epiphaniae, Resurrectionis, Ascensionis et corporis domini, ac Annunciationis, Puri-

ficationis, Assumptionis et Natiuitatis beatae Mariae virginis, nec non Natiuitatis beati Iohannis, ac Apostolorum Petri et Pauli, ac sancti Bartholomaei praedictorum, festiuitatum Octauas, et per sex dies dictum festum pentecostes immediate sequentes praedictam Ecclesiam deuote uisitaerint annuatim, et ad conseruationem huiusmodi, manus porrexerint adiutrices, in sancti Bartholomaei uidelicet, septem annos et totidem quadragenas, In singulis uero aliarum festiuitatum et celebratis praedictarum, quatuor annos et totidem quadragenas, Octauarum uero et sex dierum praedictorum diebus, quibus Ecclesiam ipsam uisitaerint, manusque adiutrices porrexerint, ut praefertur, centum dies de iniunctis eis poenitentibus misericorditer relaxamus. Et nihilominus, ut fideles ipsi indulgentias huiusmodi uerius et salubrius consequi valeant, ac illae eis amplius fiant profuturae, Rectori pro tempore existenti, ac duobus idoneis Capellanis secularibus eiusdem Ecclesiae ad id per ipsum Rectorem pro tempore deputandis, omnium et singulorum ad dictam Ecclesiam consequendis pro indulgentibus quocumque et uidecunq; confluentium, autoritate Apostolica confessiones audiendi, illisque auditis, pro commissis, nisi talia fuerint propter quae sedes praedicta merito fuerit consulenda, antedictam absolutionem impendendi et iniungendi poenitentiam salutarem, plenam et liberam licentiam concedimus, pariter et facultatem praesentibus, perpetuis futuris temporibus ualituris. Volumus autem, quod si alias praedictam Ecclesiam uisitantibus et ad conseruationem huiusmodi, manus adiutrices porrigentibus, aut inibi pias Eleemosynas erogantibus, seu alias aliqua alia indulgentia in perpetuum, uel ad certum tempus nondum elapsum duratura, per nos concessa fuerit, illa sic concessa, ex nunc duntaxat nullius sit roboris uel momenti. Datae Romae apud Sanctum Petrum, Anno incarnationis dominicae, Millesimo, quadringentesimo, quadagesimo sexto, quarto Non: Januar: Pontificatus nostri anno sextodecimo.

Nach Rüdike.

XIV. Des Pabstes Eugen Befehl über die blutigen Hostien zu Wilsnaek eine consecrirte Hostie zu legen, vom Jahre 1446.

Eugenius Episcopus, Seruus seruorum Dei, Venerabilibus fratribus Huelberg: et Lubecens. Episcopis, Salutem et Apostolicam benedictionem. Decet Romanum pontificem pijs supplicum uotis libenter annuere, et Apostolicum fauorem liberaliter impertiri. Exhibita siquidem nobis nuper pro parte dilecti filij Nobilis uiri Friderici Marchionis Brandenburgensis petitio continebat, quod cum dudum sexaginta annis decursis et ultra, in parochiali Ecclesia loci de Wilsnaek Huelbergenensis dioecesis per nonnullos sacrilegos et uolentos incendiarios tunc ignis voragine penitus consumpta, tres paruae hostiae, consecratae, quae pro infirmis referuabantur, in quodam corporali pro parte combusto, non sine magna etiam tunc uiuentium fidelium admiratione, repertae fuissent sanguine resperstae, ob transformationem huiusmodi, tot miracula in dicta Ecclesia operatus est omnipotens Deus, ut clarae memoriae Carolus imperator tunc in humanis agens, nec non Franciae, Angliae, et Bohemiae reges, ac alij duces principes seculares, nec non literatae et insignes personae in numero copioso ad eandem Ecclesiam deuotionis causa confluxerint, et quam plures ex eis affirmarent etiam medio iuramento, se in ipsorum infirmitatibus omni humano destituti auxilio, ad inuocationem diuini nominis offerentes, se praedictam Ecclesiam ob uenerationem Sacramenti huiusmodi deuote uisituros, suarum petitionum celere fuisse consecutos effectum, et propterea Christi fidelium multitudo de diuersis partibus deuotionis causa ad praefatam Ecclesiam diem seu pluribus anni diebus etiam confluxerint, ac confluunt de praesenti. Et sicut eadem petitio subiungebat, si hostiae transformatae praedictae singulis diebus quibuslibet ipsam Ecclesiam uisitan-